



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Edictum de residentia.

**urn:nbn:de:hbz:466:1-11399**

concessas, vt in laicorum edibus, aut vna cum laicis habitare possint, nisi intra quindecim dies proximos à nobis confirmationem obtinuerint.

Declaramus tamè, nos illos, qui alijs edictis nostris, & decretis Synodalibus super his omnibus aut singulis alijs statutis & publicatis non paruerunt, à pena in quam ob id inciderunt, non liberare, nec absoluerè.

Qui prescripto tempore conductori laico non denunciauerint, vt è domibus ecclesiasticis conductis prædicto tempore discedat; mulctetur tãtã pecunię summa, quanta quolibet anno ex affectu domus Ecclesię suę locatæ percipere solet, aut potest.

Si verò contra præsentis edicti tenorè, ecclesiasticas edes locare ausus fuerit, locatio irrita sit & nulla; neque conductori ex ea aliquod ius acquiratur, tanquam ex ea, quæ facta sit lege prohibente; Clericis verò affectu amittat, & locis pijs applicetur, insuperq; mulctetur, & puniatur ad nostri arbitrium.

Qui verò contra alia in hoc monitorio nostro comprehensa commiserit, penam, & mulctam arbitrio nostro subeat.

Et vt hæc nostra, quas vim edicti publici habere decernimus, ad omnium notitiam verisimiliter peruenire valeant; volumus, & mandamus ipsas affigi valuis Ecclesię Mediolanè. Palatii Archiepiscopus, & Ecclesiarum collegiatarum S. Ambrosij, & S. Marię della Scala Mediolani; atque eas ita affixas arctare omnes & singulos supra nominatos decernimus, ac si eis omnibus & singulis præsentis nostrę literę personaliter fuissent intimatę. In quorum testimonium præsentis fieri iussimus; & sigilli nostri impressione maniri; de qua-

rum affixione, positione, & dimissionem, relationi cuiuslibet nunciij in hac parte nostri plenam dabimus fidem.

Dat. Mediolani die 12. mensis Iulij. 1569. Indictione 12.

Edictum de residentia.

Carolus Borromeus miseratione diuina S.R.E. Tit. sanctę Praxedis. Presbyter Cardinalis, Archiepiscopus Mediolani.

QUONIAM multorum, qui curata cuiusvis generis beneficia, officia, ve ecclesiastica, Preposituras, atq; alias ecclesiasticas dignitates obtinent, in ijsq; residere iure vel consuetudine debent, ea est contumacia, vt neque veterum Canonum, concilijq; Tridentini decretis, nec Pij Quarti Pontificis Maximi constitutione, nec postremo Sanctissimi D.N. Pij V. iussu, neque edictis præterea nostro nomine promulgatis adduci potuerint, vt beneficiorum suorum residentia quam debent presentes satisficiant; cumq; id nos pro nostri Archiepiscopalibus muneris ratione diutius ferre uullo modo possimus, nec sanè debeamus; ad vltima quidem remedia descendere cogimur.

Quamobrem hoc nostro edicto, omnes & singulos, quicunque in nostra Mediolanensi & ciuitate & diocesi beneficia eiusmodi in titulum vel commendam habent, vehementer hortamur in Domino, requirimus, ac semel, iterum, & tertio, hæc; trina monitione præmissa monemus, præcipimusq; , ac mandamus; vt si in prouincia illi sunt ad duos menses, quorum 20. dies pro primo, alios deinde 20. pro secundo, tum reliquos 20. pro tertio & peremptorio termino ipsi assignamus; si extra Prouinciam, ad tres, vnum pro primo, alterum pro secundo, tertiumq; mensem pro tertio item & peremptorio termino, ad sua beneficia se conferant, atque in ijs quemadmodum sacro Tridentino concilio sancitum est, assidue residendo; nusquam inde discedat, nisi à nobis permilla sibi in scripto huiusce rei facultate.

Quod si qui salutis suę immemores, hoc ipso tempore quod ad residendum præscriptum, ad suorum beneficiorum residentiam non accesserint; aut sine nostra in scriptis pmissa facultate inde postea discedentes, amplius duobus mensibus continuatis siue interruptis in anno ab-

fucriat



serint, etiã si eo temporis spatio ipsi in alijs suis beneficijs, canonicatibus, dignitatibusve, etiam si in quacunq; cathedrali Ecclesia sint, relederint: eos præter pœnas, quæ & sacrorum Canonum decretis, & eodem concilio, & Pij Quarti Pont. Max. constitutione non residentibus propositæ sunt, ordinum suorum munere officioq; suspensos, ac eisdem curatis beneficijs iure ipso priuatos declaramus.

Interim autẽ fructus, quos absentes suos non faciunt, nec sine conscientie labe retinere possunt, Fabricæ Ecclesiæ cui quisque præest, & ornamentis, pro rata temporis eorum absentie adiudicamus. à qua pœna, atque etiam à mortali peccato, quod, vt Tridentino concilio declaratum est, committunt, qui sine nostra scripta facultate absunt, ne ij quidẽ immunes sunt, qui, quoniam à suis ecclesijs absentes, apud nos, & à nobis ipsis sepe videntur, nostro quasi tacito permisso se abesse existimant: quod à nostri animi sententia longè alienum esse, etiam his literis declaramus.

Edicimus præterea ac iubemus omnibus, quicunq; Ecclesiastica beneficia, curata, vel non curata, in titulum aut commendam obtinent, quæ tamen personalem residentiam iure vel consuetudine requirunt, si qua non residendi studij causa permissa facultate tueri ac defendere se posse arbitrantur, quod minus ipsi in suis resideant beneficijs, vt eam ad idẽ tempus supra respectiue præscriptũ, nobis aut Vicario nostro exhibeant; alioqui sciant, nos de eis pœnas esse sumptuosas, quæ contra non residentes constitutæ sunt. In quarum rerum fidem hoc edictum cõfici; signoq; nostro signatum, & nostri Cancellarij manu subscriptum, Metropolitana nostræ Ecclesiæ valuis affigi, alijsq; locis publicè proponi iussimus. Volumusq; eo vnumquemque ita teneri, vt si ipse personaliter monitus esset, ac citatus. Datum Mediolani ex nostris Archiepiscopalibus ædibus, die 10. Ianuarij. 1567.

Edictum de Visitatione.

CAROLVS

Miseratione diuina Tit. S. Prædix Præbiter Cardinalis Borromæus Archiepiscopus Mediolani.

CVM ad nostri pastoralis officij rationem Visitationis cura ita pertineat, vt ex sacrorum Canonum iure, & Conciliorum decretis prætermitti neque possit, neque debeat: nos illud à nobis debitum munus, omni qua maxima possumus diligentia, Deo iuante, aggredi atque perficere cupientes, perut illo re existimauimus, omnibus & singulis iurisdictionis nostræ fidelibus, cæterisq; quorum id interest, hoc significare.

In eam verò curam ita incumbemus, vt non ordinaria nostra solum, verum etiã delegata nobis auctoritate accuratè visitemus, omnes & singulas has Mediolanensis & Ciuitatis, & Diocesis Ecclesias; Metropolitanam nostram, collegiatis, earum item capitula, tum personas; curatas præterea Ecclesias, etiam eas, quæ ipsi Metropolitanæ, collegiatis, alijsve Ecclesijs, Monasterijs, Collegijs, aut quibusuis locis annexæ sunt.

Monasteria item quæ commendata sunt, Abbatia, Prioratus, siue Præposituræ, aliove nomine nuncupata, in quibus nõ viget regularis obseruantia; cætera quoq; beneficia curata, ac non curata, secularia, regularia quouis modo comendata, etiã si exempta sint; Ecclesias item quascunq; quauis ratione exemptas, quæve in nullius diocesi sunt, quibus Metropolitana nostra propior sit quàm alia cathedralis Ecclesia; omnes denique Ecclesias non curatas, cappellas, oratoria, hospitalia, collegia quæcunq; confraternitates laicorum, Montes pietatis, piaq; loca omnia, quamuis exẽpta sint, etiam ad laicorum administrationem pertinentia; Moniales etiam quæ Sancte Sedi Apostolicæ immediatè subiectæ sunt, quæve etiam Sancti Petri, vel Sancti Ioannis capitulorum nomine, vel alio quouis modo nominantur; Monialium item quarumcunq; clausularum; Monasteria insuper in quibus cura exercetur

K 4 anima-